

續行水金鑑卷第一百四十九

江水 原委四 湖北 漢水

又東北有陸溪水自江西寧州西界經通城崇陽合諸

水來會 皇朝通志

又東北為六溪口即古陸口有陸水東南自蒲圻合

通城崇陽諸水來注之 陸溪出江西寧州西界大湖

經苦竹山西南樓嶺東曰石觜頭河又東北至河市

北有河市港水西南自黃龍山下將嶺北流來會又

東北經通城縣東境有東港太平港及城南之朗河

皆自西南來會又有龍窖山水自西來經城北來會

又北會西來之白港河水折東北流經新橋鋪苔橋

鎮西北有毛公渡河自南來注之又北至石五鋪西

有大溪洞水自東南來注之又東北至崇陽縣西南

有吳城港水南自雷公山來會又東北至崇陽縣西南

有水自東南來注之又北流經城東而北有白羊山

水合數小溪南流折而西北來注之又西北流經崇

續行水金鑑卷一百四十九

江水一

洪鎮北有小水自西南來注之又北流折而西至蒲

圻東南有桃花嶺水自西南來注之又北經縣城東

北又西北百餘里至 又東有石磯 磯南岸曰南岸有

六溪口西北入江 即嘉魚城西南湖也赤壁在嘉魚縣西

小湖口 與江夏縣界北岸對烏林 水道提綱

武昌府舊志大江自臨湘縣清江口入嘉魚縣境經

石頭口陸溪口嘉魚口至嘉魚縣城陸水一名雋水

源出通城縣上雋鄉東北流繞城西經縣治北合秀

水又東北經柘橋入崇陽縣界名崇陽河至縣西南

會桃溪又繞城東會大東港經壺頭及崇陽洪入蒲

圻縣界名蒲圻河自縣東南洪下灘西北流至城東

南會荆溪繞城東通浮橋又西北流入嘉魚縣界至

縣西南七十里陸溪口入江又武昌府舊志崇陽縣

東有吳城港白石港縣西有白泉河龍坊河縣南有

高視河太原河東北有龍頭河西北有江巖河俱會

崇陽港以入雋水大清一統志

經嘉魚縣北沔陽州東南又東北有沔陽東南諸水來

會皇朝通志

東經嘉魚縣城北北岸即沔陽縣東南境也北岸自新隄鎮

楊家嘴東北至此雖無入江之水沔陽支津北引漢水為川為澤縱橫五六百里間又東折而

東北又西北至新灘口沔陽東南諸水合而來注之

水道提綱

水經注江水又東北至江夏沙羨縣今按沙羨縣屬江夏郡即今

武昌府江夏縣西北沔水從北來注之又大江東入監利縣

續水金鑑卷百零九

江水二

界南岸與岳州府華容巴陵臨湘三縣分界又東入

漢陽府沔陽州界荊州府舊志大江至荆河口會洞

庭湖水流至白螺磯入漢陽府沔陽州界大清一統志

又東北有斧頭湖水自嘉魚縣合咸寧縣水來會皇朝

通志

又西北折而東經大軍山南麓至金口鎮西有斧頭

湖金水自南來注之斧頭湖長百數十里自嘉魚東南境迤而東有小水三自南來

匯又迤而北有咸寧縣咸河自東南合六小水來北注之又東北至賀勝橋受東來一小水又北百里至

金口鎮巡司西北入江水道提綱

大江東流入嘉魚縣與安陸府沔陽州分界 斧頭

湖在江夏縣南一百二十里會嘉魚咸寧諸縣水至

金口入江又塗水源出咸寧縣界鐘臺山曰咸河又名西河北流至縣南金燈山下名淦川又合官埠赤港二水又西北入江夏縣界匯為斧頭湖北流至金口入江水經注塗水出江州武昌郡武昌縣東山西北流經汝南僑郡故城南歷縣西又西北流注於江明統志一名金水入江夏縣謂之塗口亦名金口咸寧縣志其源有二一出浚水嶺西北流過洪崖山名蘋花溪一出鐘臺之桃花泉北流與蘋花溪合

清一大

統志

又北有赤野湖會沔陽太白十四湖諸水來會

皇朝通志

又北流稍西經小軍山東麓又北有赤野湖西會沔

續得金鑑卷三百四十九

江水三

陽太白十四湖諸水來會曰沌口漢陽府之西南境也荆州府治江陵縣城北有大暉港自北而南折而東經城北又東數十里形如曲尺此水無所入其北有池水當港曲平地於龍背橋南東流六十里有小水自西北來會匯為太白湖自西迤而東南長九十里至潛江縣西境梅家嘴西有三湖水西南自江陵東南境來會又東有漢水支津東北自大澤口西南流來會南流有紅馬湖水南自江東岸之郝穴東北流又西合觀音寺東之水來會即古所謂夏水首受江後人曰長夏河者也自此分二派一東南流至周家嘴又分為二北派東流至沔陽州南之謝雲口又東數十里至峯口復合有小河西北自州北境來南流者為白石湖有上洪湖官湖下洪湖相連自西來會又南而周家嘴南流之水與紅馬湖南流之水大烏湖蔣師湖大城池五水又東流百數十里至新隄鎮楊家嘴又東北來會過小港口又東北與沙湖水會而東折東北水之支渠亦東南注棍當湖會於平坊又東折而北至州東南之新灘口巡司之南東入江沔陽北派自潛江縣北境張集口南引漢水

支津南流至排沙渡之西折東南流經縣城東北又東南流分爲二派至謝汪劉三場又分爲三其東二派南復合至州西蕭家場折而東北匯爲西湖經州西北及正北曰邈邈湖又東曰白泥湖長百二十餘里南北廣者八十里狹者五六十里其南一派東南流百七十里至州南境與州城西水合又東南至土坑口會長夏湖者也白泥湖東南流於沙鎮司南東北注赤野湖赤野湖兩受漢水一西北於州東北之仙桃鎮南又東南流與白泥湖北出之二渠合而東經下棧埠南又東注赤野湖一東北於漢川縣東境蔡店巡司之北引漢支津西南流百餘里注赤野湖南北九十餘里東西七八十里於東流出經小軍山之北東北至沌口入大江

卽沔水也 水道提綱

漢陽府志大江環抱郡城去城僅數十丈自荊州監利而下會沌口過城南與漢合者江之正流也有自沔陽播爲陽明諸湖匯於太白者有自沌口出江者有經沔爲黃蓬諸湖經上平下平放至新灘鎮出江

續行金鑿百學九

江水 四

者有自孝感經漢陽之石潭河入黃陂境至沙口出江者此在隣境旁出而入江者也舊志江水自江夏東臨入府境歷新灘口大江口百人大小軍諸山過沌口至府城東過大別山合漢江轉煙波灣抵五通口共一百九十里入黃陂縣境經縣東南三十里流十五里至沙口入黃岡縣界太白湖在漢陽縣西南接沔陽州東北界水經注沌水南通太白湖輿地紀勝在漢陽縣西南一百二十里府志太白湖一名九真湖周二百餘里潛水自西北來注之西湖李老沙湖泗港諸水匯焉沱水自南來注之直步陽明黃蓬諸水匯焉而東南匯於沌水出江春夏水漲與新灘

馬影蒲潭等湖合而為一冬涸始分舊志太白湖西南受陽明西北受沙湖北受索子港南通新灘口東

通沌水大清一統志

經漢陽府城東南武昌府城西有東湖湯孫湖諸水來

會皇朝通志

又東北七十里經漢陽府城南及東武昌府城西有

磯有湖水自東南來注之磯在武昌府西南江中當漢陽正南即鸚鵡洲也武昌

昌府治江夏縣有黃鶴磯縣南多水澤曰東湖曰湯孫湖曰黃家湖曰清寧湖曰賽湖至西山會流而北

入江道提綱

大江自沔陽州東北流入漢陽縣界與武昌府江夏

縣分界又大江自嘉魚縣東流入江夏界東湖在江

續文鑑卷百四十九

江水五

夏縣東四里輿地紀勝上有東園為近城登覽之勝

清寧湖在江夏縣西南十五里東北通黃家湖又東

南通湯孫湖又東通賽湖賽湖匯諸湖之水折而西

北流俗呼為裏河出鮎魚口入江大清一統志

又北漢水自西北來會皇朝通志

二府隔江東西相望稍北漢水西北合商雒唐鄧以

南諸巨川自漢陽府城西北來會曰漢口水道提綱

大江入江夏縣會漢水又大江與武昌府江夏縣分

界又東北會漢水漢口在漢陽縣東漢水入江之

口也亦曰夏口沔口魯口蓋以夏水沔水魯山得名

實一處也其地本在江北自孫權置夏口督屯江南

於是相承以鄂州爲夏口而江北之夏口晦矣大清一

統志

漢水卽漾水源出寧羌州北之嶓冢山卽禹貢導漾之嶓冢也經沔縣西南有沔水合澧水沮水來會經褒城縣南有黑龍江自郿縣合斜谷水褒城水來會經漢中府治南鄭縣西南經固城縣南有馬廬河鐵臺河來會經洋縣南有潛水來會有沙河自西鄉縣來會南流有洋河合木馬河來會經石泉縣西南又經紫陽縣西有渚河自四川太平縣來會又東有香河自平利縣來會經興安府西有越河自安康縣黃洋河自平利縣來會經洵陽縣南有洵河自鄠縣經長安縣合鎮安縣水來

續水金鑑百四九

江水六

會東流有吉水河自湖北鄖西縣來會經白河縣城北又東入湖北鄖陽府界經鄖西縣南有陡河卽堵水自竹溪竹山二縣合諸水來會經鄖縣西至均州西北有曾河來會又東南有丹河自河南浙川縣合陝西商州山陽商陽縣諸水來會經光化縣西南穀城縣東南有南河自房縣合保康縣水來會經襄陽府北樊城縣南有白河卽濁水唐河卽清水自河南新野合南陽府諸縣水鄧州諸水及棗陽縣之滾河來會經宜城縣東有蠻河及鄆水自南漳縣來會經安陸府鍾祥縣北經荆門州東南又經京山縣西南潛江縣北有支津交匯爲雲夢澤見後漢水正派自大澤口東北流又分支津經潛

江縣東北匯為沔陽北湖其正派東南流又分二派北派經天門縣南合松湖支津水南派經沔陽州北又分支津為白泥赤野諸湖又東北流與北派合過漢川縣南南有松湖支津水來會又東有澇水湏水自隨州合德安府雲夢應城諸縣水來會經漢陽府治西北有赤野湖水來會又東北有三里河自應山縣經孝感縣來會折東南至大別山麓入於大江皇朝通志

漢水即漾水亦曰沔水源自寧羌州北之嶓冢山在山

州北稍西即禹貢導漾之嶓冢也東南流數十里折九十

而北數十里至霓川鋪西折東北流經沔縣西南境有大安水自西北來會在大安鎮東南又東北經青陽鋪南

導水金鑑百五

江水七

又東北有沔水會澇水沮水自北來會曰澇口沔水

有三一曰澇水出西北山東南流經峽口北又東南流一曰沮水出北山南流經沮水鋪西南一曰丙水自東北山西南流至鋪南三水俱會又東南曲曲流八十餘里入漢又東經縣城南

又東經黃沙驛南又東南有水北自雲霧山來注之

又有白巖河西自寧羌州城東北流合平溪河來會

水勢始壯白巖河出州西南與四川界之七盤關北流又東北經州城西北又東北經鐵鎮關

北又東北經蔡壩有平溪河自南山來會又東南流日壩河又東北入漢水在天池山之北

經褒城縣南境稱為沔水有黑龍江東北自太白山

西南流合斜谷東南諸水自北來會黑龍江源出郿縣南境太白山

之西南麓兩源西南流而合又南合東來一水西流又合北來一水又西有紫金水自北來會又西折西南流至泰伯村西受東來一水西南至鎮江鋪西又西南有白馬及安河西北自斜谷之東南山合而來

會曰黑龍江又南流折而西南至武關驛東北有野
羊河自西北來會又南有武林河自西北來會又南
有馬道河沙河俱自西北來注之又南稱褒城水經
褒城縣城東折稍西南流至龍江鋪與漢水合此
水即古褒水自鳳縣大散水三岔驛以東又東南流
郿縣太白山以南諸流悉會行五百餘里又東南流
至漢中府治南鄭縣西南有高臺鎮水自西南來注
之東經府城南又東有老渚河自南合二水來注之
老渚河二源一出建龍池自南與川界之小壩北流
經巖堰口東又東北流一日青石水自東南與川界
之籠蓋山北流至青石關西合又東北流經柳村堡
焉又東北流數十里入漢水又東北流經柳村堡
南又東有一水自北來一水自南來並會北水自北
山南流合
西北一水東南百餘里入漢南水曰南沙河南自賈
谷關北流經七里壩東又北入漢水口南北相對其
東南曰又東經城固縣城南水中有洲稍東有小水
五郎口又東經城固縣城南水中有洲稍東有小水
自南來注之稍東北有水自西北東南流經縣城東

續水金鑑卷五

江水八

北來會疑即古涪水亦名智水又東北有馬扈河自北來注之

馬扈河出城固縣北境山東南流有關王河自東北
來會又南百數十折東南至洋縣西南境入漢疑

即古駱又東有鐵臺河亦曰溢水自北來注之鐵臺
河出

北境秦嶺之西南山二源西南流而合折又東經洋
東南曲曲流二百里至洋縣城西南入漢

縣城南又東稍北八十里有潛水自北來注之潛水
出鐵

臺河源之東南山東南流百數又東經真武鎮北有
十里經槐樹關西又南入漢

沙河西南自西鄉縣北境來注之沙河出西鄉縣西
北之樓山東北流

有祁了山水自西來會又東又東稍北有金河自北
北經真武鎮南又東北入漢

合二水來注之金河出北山東南流有玉門山
水自東北來會又東南流入漢又東

南流至鐵石關南有李家河即饒風河自東北合數
水來注之李家河出柏林壩北山東南流合西來一
水曰焦溪河東南流八十里有一水自北

合東北一水南流來會又東南至馬家溝東折而西
南流南經金雞嶺子午山東又東南有兩河東北自
雲霧山北合而西流來會折西西南經西鄉縣東
北境渭門鎮東南又南折東南流有洋河即清涼川
西南自鹽場關北流合木馬河東北流來會於茶溪
鎮北洋河源出西鄉縣東南與川界之鹽場關北山
北流經魚渡路西又北有小巴山東水自西來
會又北有揚旗河自東來會又北經確日壩西有七
十二渡河一自大巴山麓一自飛龍山合而東流
來會又北數十里至縣東境有木馬河自西南來會
木馬河源出縣西南與川界之米倉山東北流有
大巴山西北麓水自南來會又東北有賈峪關東水
自西來會東流經風口南又東折東北流經空渠鋪
北又東經縣城南又東與洋河會二水既合東北流
經金牛山北受西北來一水又東數十里有洋溪南
自皂軍山北流經父子關東北流來
會又北稍東至茶溪鎮西北入漢 又東至石泉縣
西南有珍珠河北自雲霧山西南流合西北之香子

續水金鑑卷百四十九

江水九

河來注之又東經縣城南又東南流有池河東自螞
蝗山來注之折南流受東來一水又西南經漢陰縣
西境南至馬家營西漢陽坪東折東南流至紫陽縣
西境有小松河自北來注之又南有渚河西南自四
川太平縣境北流經毛壩關合二水來會渚河即任
河其上源
日北江出四川太平縣東境黃墩山北麓北流合東
一水西北流百里有一水自西南來會又北流入陝
西界經毛壩關東又北有渚河自縣西南境東北流
折而東南合西南一水來會又北經馬家營東又北
折而東流數十里曰渚河亦曰任河 又東經城南又
至紫陽縣之西南東入漢曰任河嘴 又東經城南又
東經西沙壩南又東有汝河西南自雙河關來注之
又東有嵐河東南自花龍山來注之嵐河出東南界
花龍山西北流
至水圍城北會西南來一水又西北折而北流百餘
里又折東北經嵐河右營之東北入漢水口正對漢

北岸之流又東有香河自南來注之香河出平利縣西南境西北流經香
河營東又北漢又東稍北至興安州西境有越河即古

直水合恒河西北自漢陰縣來會漢陰縣西北山有

會西來一水東南流經縣城西南又東南五十里有

添水河自東北山來會即古直水也又東南經澗池

鋪西又東南五十里經關垓南有自音溝水自北來

注之又東經恒口堡南有恒河自北來注之又東南

自長鎗鋪西南有傅家河又東稍北經州城北又東

自北來注之又南入漢

有黃羊河南自平利縣來注之黃羊河出平利縣東

南日石牛河北日連先河西流至營西而合西流即

古灌溪水也有獅子山水自南來會又西北流經縣

城西南又北數十里受東南來一水又北流又東北

至州南之黃羊村東又北經州東而北入漢

經二郎鋪北有一水合二溪自北來注之東經青山

鋪南又東北至洵陽縣西南有閭河自南來注之閭

出縣南與湖北界之七里關南山北流合西南來之

炭河及神河三水西北流又折而北而西受西南來

之孟家河又北至

閭河鋪西北入漢又東過縣城南有洵河自北合鎮

安縣諸水東南流經縣城東北而南來會洵河源出

豹林谷之西南太乙山西北徑鄠縣百五十里東北

經長安縣二百餘里太乙山西北麓即西黃谷嶺為

澹水之源其西南麓即洵水源也南流合東來一水

又南八十里合西北來一水又南四十里合西來一

水又東南經兩山間三百餘里至兩河關南有鎮安

縣水自北來會鎮安縣水二源西北源出天書山

東南流北源二水出舊縣關東南山南流至石甕子

南會焉南流經徐家坪西又南數十里經縣城東又

南有一水西北自紅山洞東南流合一溪經縣城西

南來會又南受東來一水又東南折東南流

六十里有東岔河自東北湖廣界來會又南折東南流

關東南洵河自西來會洵河又東南經趙家灣東又

東南經洵陽東與湖廣界八十里折而南經縣城東

北又東南入漢此水源流五百餘里在又東稍南受

陝中入漢巨川惟黑龍江及此水也

北來構園水又東經大棕溪鋪南鋪北即湖北鄭西縣西南界又

東南有冷水河自西南來注之又東稍北經月兒鋪

北稍東有吉水河北自鄖西縣西北境來注之水口

北岸即湖北界吉水河出鄖西縣西北境與陝西界之鐵錫嶺東南流經沙口鋪南又東

南九十里經上津堡西又南八十里受西來一水又東南五十里受東北來一水南經夾關塘東又南

於白河縣稍東南有白河即大白石水自西南來注

北界入漢之又東南經白河縣城北又東有小白石水自西南

來經城東而北注之又東入湖北鄖陽府界鄖西縣

之西南境東流受東南來一水漢水自源至鄖西界已一千三百餘里

又東北百里至縣南境之黃連壩南有水北自縣城

來注之水有二源東源出水龍洞東北山西南流九十里經縣城東南西源出黃雲鋪西山東流

續水金鑑百四九

江水七

合北一水經土門鋪南折而東南經城西南至城南

會焉又南流八十里於黃連壩東南入漢亦曰黃連

水又東北有曲遠河自北來注之曰曲河口曲遠河出沿河

山之西南麓共東水即沿河也曲遠河南流又東流

至青銅鋪折而西南流至曲河口南入漢有陡河西南自竹溪竹山二縣合諸水北流來會陡

即竹溪水有二源西北源曰竹溪河出竹溪縣西北

與陝西白河縣界七里關西南之雞籠山其北水即

閭河炭河也竹溪南流數十里至中峯塘東南有白

土關水西自界上西溝塘來會其西水即平利縣東

之石牛河也竹溪折而東流有一水自北來經城西

來會竹溪又東經縣城南有洛家河自北來注之又

東稍北折東南流至水坪塘東南有縣河自北界山

北流百餘里來會曰西兩河口又東南七十里至東

兩河口西南源來會西南源曰柿河出西南與陝

西界曾家村北山其西水即嵐河也柿河東流百六

十里經渡船口塘北又東四十里有秦坪河自西南

來注之折東北流百里至東兩河口與竹溪會有羊

腸河自東南來合焉又東北經竹山縣西南境至縣

南有獐落河東南自陰條嶺西北流合西南麥場壩

北水北經上龕塘西曲曲西北流來會又東折而北
經竹山縣城東又北稍東二百三十里至鄖陽府治
鄖縣西南境之鮑家渡東黃龍灘西受西來一水又
北七十里至陡河口西北入漢竹溪縣又在西縣之北
百餘里竹山古上庸地竹溪縣又在西縣之北
境及西南即陝西白河洵陽興安州平利縣界其南
夔州府巫山縣界也又東經鄖縣西境洪河館南又
東折而南經府城西南受西南來一小水又東流受
西南來之小嶺塘水又東至土地堰南折南流經龍
門塘西有一水西南自十堰店東北流經八畝地來
注之府東南境水也又東流有水自東北來注之即龍門塘東北一水
又東南流至均州西北有水西南自白浪塘南北合
二水東北流來注之又東流經州城北折東南流至
會口東有會河西南自兩河口合太和馬嘶二山水

續水金鑑百四九

江水 三

東北流來注之

太和山在均州南百二十里其南山北麓水曰呂家口西北流至兩河口

塘有馬嘶山水自西南來會又東北曲數十里經
武當山西麓又北至孫家灣北又東北經州南境至
會口南有草店水南自太子坡北流又東南數十里
稍東來會又東北於會口之東入漢又東南數十里
至蕭江口有丹河北自河南浙川縣西合陝西商州

山陽商南諸水南流來會

丹河即古丹水源出陝西商州西北境之秦嶺東麓

其西北即藍田縣東界藍關藍水之源也丹水東南流
至紅門口南有一水自北來會又南有一水自西來
會曰乳水河又東南至州西南境有荆水自北山藥
子嶺合二水南流至上板橋又合西北一水南來會
又有五峪河自西南合南秦川及赤水峪水東北流
來會丹水又東經州城南又東曰丹江折而南流經
巴樓鋪白陽店西又東南流經商山北經商鎮南
又東南至龍駒寨南受北來一水又東南流經商南
縣西南境有銀花水西自中村合二澗東流經土門
來注之折而東流有武關河自北來注之又東經縣
南境稍東有清油河北自城東來注之又東南經打
鼓洞梳洗樓凡百六十里入湖北鄖縣東北界數十

里又東入河南浙川縣西北界有淇河自北來會
淇河出商南縣東北山二源合東南流入河南浙川
縣西北界又東南數十里折而南又東南流入丹水
丹水又東南百里經浙川縣城西南有金牛河合酒
河西自鎮安山陽來會水勢始盛曰丹江金井河
出陝西鎮安縣東北孟家寨南北二水東流而合又
東合北來一水東南流九十里至扈家坪東南有社
川河合三水自西南來會又東南經山陽縣南境有
色河北自縣北苦竹源南流合東南西四水來會又東
經沙溝鋪南又東經商南縣南境吐霧山南入湖北鄭
至胡家店東南有滔河自西南來會又東入湖北鄭
縣東北境經梅嶺北又東至浙川縣西南境東入丹
水俗稱滔河源流五百餘里丹水又東南四十里
有老鸛河北杏花村南流合熊耳山南之雙河南
經西峽集及宵山凡三百里至馬蹬店之西南來注
之丹水又南稍折西南流百三十里於蕭江口東南
入漢此水源流稍折西南流百三十里於蕭江口東南
曲折行八百里稍南有青石鋪水西南自太和山東
北麓來注之又東南流八十里至光化縣西北分爲
二派夾客洛河洲至縣城西南之舊城西復合曰老
河口又南至穀城縣東北有余家河自西來注之又
南經城東南之仙人渡有南河即古沮水西南自房
縣東流合保康縣水東北流來注之沮水源出房縣
縣南稍西百三十里其西爲陰條嶺其東南爲五山
樹山又東爲保康縣南境山又東至縣城西北有包家
漳水源自景山北流百數十里至縣城西北折東
河北自東浪村西南流百餘里來會於城北折東南
流經宜陽灣北又東經驢蹄店南又東至保康縣西
北之臺口有白巖河自西南來會白巖河出景山
之東南百里有柯樹南山東北來會白巖河折而北
又東北折東流數十里至王家灣北折而北流百
餘里至姬公會西折東流西北流百里有板倉河
至保康縣東北之洞庭廟西北流百里有板倉河
會保康縣東北之洞庭廟西北流百里有板倉河
圈巖西麓其東水即南漳縣西水也板倉河又北經
黃保坪東折而西流數十里至保康縣西水也板倉
北而東北折而西流數十里至保康縣西水也板倉
又西北復折而東北經雞子口東俗曰南河又折而
經穀城縣城南又東北入漢此水源流曲折行五百里

續水金鑿百單九

江水 三

又東南至廟灘東受東北來一水又南至太平店南

折而東流有水自東北來注之水出北與河南鄧州界東南流六十里至

黑龍集西折而西南流百五十里至太平店之東南入漢又東南至牛音塘南稍

東北流經襄陽府城北樊城南稍東有白河唐河東

北自河南新野合南陽府諸縣及鄧州水南流又合

西來之清河東來棗陽之滾河來會白河源出南召

峯山在老君山東南二百餘里其西北為伏牛山北

即汝水其東北為沒大嶺即沙河源也白河南流經

演藝山麓又南經縣西境又東南流至南陽縣北境

有雞子河自東北出山西南流百餘里合西北來之

雅河來會又西南出山曰白河西流之支津曰溧河南

府城東而南分為二派其東南流之支津曰溧河南

經林水驛至郭家灘會唐河者也正派於城東南西

南流百五十里至新野縣北境西流與溧河合

湍水出嵩縣老君山麓南流合長城河至內鄉合

螺螄河黃水河默河又東南徑鄧州新野合溧河與

導卷百四十九

江水

白河會白河既會湍河南流經新野縣城西又南數

十里東南經鄧州南境又東南流凡三百里來會白河

又南數十里入湖北界經襄陽東北境西流百餘

里唐河自東北來會唐河三源至唐縣皆會故名

唐河其北源曰裕州西境之趙河源出魯山縣南境

大山在雞子河之源自趙河東南流之東北出山又南折東

南流有三里河此河南流處有支津東經葉縣南與

十里東與趙河會此河南流處有支津東經葉縣南與

陽北東至鄧州城西人沙河之澧河也三里河南流與

趙河但隔一山趙河又東南有裕州左右二水俱出

北山南夾州城左曰潘河至城南合而西南流數十

里來會又西南百餘里至南陽縣東南境曰趙河折

而東南流九十里至唐縣西北其東源東自泌陽來

會東源曰泌河又有兩源南源出泌陽東與確山縣

西界之銅山西流數十里北源出縣東北之大胡山

城西又西南合北來一水數十里麓南流來注之

西流又西南合北來一水數十里麓南流來注之

城南又西南合北來一水數十里麓南流來注之

自慈邱山折西北流經大河屯北又西有昆河東北

北與趙河會西南流經縣城西而南其東源東北

桐柏縣來會東南源曰盧家河二源一出桐柏縣東

北界之同龍山西麓其東水即入淮之明港河也西麓水西南流八十里一源北出泌陽南界山者南流數十里來會又西南七十里至桐柏縣北境有一水西南自淮源桐柏山北麓東北源來會又西北九十里出山曰盧家河又西北百數十里經唐縣南塘至縣城西南會趙河而南以下總曰唐河西南流百至郭家灘東南有白河支津曰溧河北自府城來會又西南八十里入湖北界經襄陽東北境百數十里白河自北來會白河既會唐河西南流三十里有清河西北自北界東南流百餘里來會其東有滾河自棗陽來會滾河三源東北源出棗陽縣東北境之洛湖店南流又西南數十里折西流經縣城南北源自北來經城西而南合焉又西南流八十里其南源自東南山西北流經打店北又西北與白河會白樹井南折西北流經打店北又西北與白河會白河又西南流四十里至樊城東南入漢白河源流七百餘里合湍水東合唐河泌水南陽全府州縣羣流畢會湍亦源流行六百餘里實入漢之巨川也趙河即漢水又東至東津灣西折向正南流經東南古濟水漢水又東至東津灣西折向正南流經東南境百里有羅家河自西來注之又東南流數十里經

續得水金鑾百單九

江水 五

宜城縣東境又東南百里有蠻河西北自南漳縣合歇馬清涼二河東南流來注之南漳縣在襄陽府西

北百四十里其西與鄖陽府保康縣連界其南境多大山自竹山而東南為房山景山為五柯樹為龍潭山高雞寨東為老龍山北風山至縣南與遠安接界綿亘不斷而東南至荆門州之西北凡數百里禹貢荆州之荆山在縣西北八十里漳水所出即今清涼河也論源流則歇馬河較長歇馬河源出縣西南與保康縣南界龍潭山北麓其南即興山遠安北境羣山也東北曲流經老龍山西北折北流數十里至長坪西南有一水西南來經羅圈巖東麓來會折東北流經長坪城北又東南流經杏橋坪北又東南至武安鎮南漳縣城南又東南流經騎龍集南又東南至武安鎮南漳縣城西又東南流經保康縣東北界襄陽縣西南界大山即穀城縣南界保康縣東北界襄陽縣西南界諸山相連者也東南流循山南麓八十里至縣北門集之北又東南流百餘里至武安鎮西南會歇馬河東流曰蠻河又東南稍北經宜城縣西境朱家嘴南稍東折東南流八十里入漢源流行四百有餘里又南經又東南八十里入漢源流行四百有餘里

安陸府治鍾祥縣北境之豐樂驛西有豐樂河自東

北來注之豐樂河西流入漢又南六十里有樂鄉河自

西北來注之樂鄉河即夾浴河源出南漳縣西南界

流二百餘里合西南一水經鍾祥北境又百餘里有

石橋河西自山東流經石橋驛南又東合西南來之

荆門山北水東北流來會又東入漢麗陽石橋二驛

皆荆門州北境源流三百里此河源東南七十里即

當陽漳又東南經安陸府城西三尖山東麓西自荆

河源門山東北綿連數十里至此山甚高大其東南為黃

土坡山東臨漢江隔岸即府城也疑即古內方後人

名為又東南至舊口西有寨子河自東北來注之折

西南流經荆門州東南境有水西北自州城合南北

二水東南流來注之一水出州西南山東北流經州

東南流經城東北而南來會又正南經石碑鎮東稍

又東南曲曲百餘里入漢

南折東南流至沙洋鎮北折南流經京山縣西南境

之多寶灣西又東南流至潛江縣北境之大澤口西

北有支津西南流西通荊州府南通監利東南通沔

陽州諸湖支港縱橫交會即古之雲夢澤見後漢水正

派自大澤口折而北流數十里又折東流至張集港

南又分支津南經潛江縣城之東北又東南為沔陽

北湖漢水正派又東南經黑流渡南竹根灘北又東

分爲南北二派北派東北流經天門縣南境天門即

縣自截河場東至乾正司南又東數十里有松湖支

津自東北合西北京山應城諸水來會又東過沈湖

至脈旺觜與南派會南派東流經牛跡口南又東南

經慎口場北彭河鎮南東經沔陽州北境曰拖鎗河

東南至仙桃鎮南又分一支津南為白泥赤野諸湖

南派折向東北流經沈湖東沈湖長七十里闊二十

南北二派之中隔一隄岸其東村曰豆觜至脈旺背與北派合分派東流

五六十里二派既合東北流過彭公湖南彭公湖在漢川縣西

南境自東北而西南長六十餘里形如鯉魚在松湖支津之南漢水之北至漢川縣西南

受西來之松湖支津水折東南流數十里復折北稍

西至縣城東北有松湖支津自西北來會又東至澗

口塘北有澆澗諸水北自隨州南流會德安府雲夢

應城數縣水來注之澆水源自隨州西北界山南流

至梅邱鎮東有澗水自西南山東北流經鎮北而東

續水金鑿百四九

江水七

佛兒嶺北流至茶庵西北注之又東四十餘里經州

城南有浮嬰河北自太平嶺南流至厲山店南合西

北來一水東南經城西而南注之又東流三十里有

漂水自東北折東南流經萬家店而南來注之又東

經浙河又東南至馬坪港南折正南流百里有經平

市西又東南流經德安府治安樂縣西北境有一水

東自金家店合二水西南流來注之又東南至府

城西北有一水東自城北來注之又南經城西又南

至兩河口南有水東北來經好石橋南及雲夢縣西

北之利塘鎮北合雲夢城南之水西北流來注之又

南有楊家河西自大猿山合佛兒嶺南水東南流

來注之又東南經胡金店長江埠南其東北雲夢境

其西應城境也又東南百三十里至漢川北境劉家

隔司之東有孝感河支津自東北來合雲夢東水支

津南流來會又南流有應城南支津自西北來會又

東南至澗口塘南入漢又東南流至漢陽府治西北

此水源流長五百餘里

境之蔡店司北有赤野湖水自南來會赤野湖為漢

總匯分為二流一東流至沌口入漢水又東北流曰

江其一東北流至蔡店司入漢

拖路口有三里河北自應山東南流合小河諸水經

孝感而東南來注之三里河源出應山縣北與河南

麻穰市南又西南折而東南經十里鋪東又南經縣

城東又南曰三里河又東南有一水合二溪自東來

會又東南經太平鎮東又東南小河溪自東北來會

南曲溪流百五十里有廣水店南溪自西北來會經

小河西又西南會三里河又南百五十里至孝感

縣西折東南流經縣城西又東南流有支津西南

與雲夢南境入埠口支津會三里河又東南有桑始

湖貓兒湖水自西來會又東南至漢水又折東南流

拖路口入漢此水源流四百餘里

經漢陽府城北之大別山麓東會南來之大江當江

口有巨洲曰漢口即夏口口南岸即武昌也自鄖西

又一千六百餘里源流共三千里合陝西漢中興安

商州河南南陽湖北鄖陽襄陽安陸德安漢陽七府

二州之水古與大江並稱

朝宗不妄也水道提綱

漢水自沔陽州東流入漢川縣界又東流入漢陽縣

界至縣北漢口入江一名沔水一名沮水禹貢嶓冢

導漾東流為漢至於大別南入於江漢書地理志沮

水南至沙羨南入江水經注沔水東與力口合又東

南沮水入焉又東經沌水口又東經沔陽縣北又東

經林鄣故城北又東至江夏沙羨縣北南入於江元

和志漢陽縣漢水自漢川縣流入寰宇記漢水在漢

川縣東南四十五里漢陽府志漢水故道在今漢口

北十里許從黃金口入排沙口東北折環抱牯牛洲

至鵝公口又西南轉北至郭師口對岸曰襄河口長

四十里然後下漢口成化初忽於排沙口下郭師口

上直通一道約長十里漢水逕從此下而故道遂淤
今魚利畧存不通舟楫俗呼爲襄河以上流自襄陽
也又水有自雲夢苛河出者有自應城五龍河出者
有自竟陵皂角河出者有經田二河沈下湖出者又
經回龍灣及經南湖金剛腦出者皆涓口以上小水
入漢者有自豬龍潭經漢陽三汊會曰水又經東西
二至山過陳門湖下蔡店者此漢之別流分於涓口
以上合於涓口之下而復於漢者也舊志漢水自沔
陽州沈波亭入漢川縣境會城隍港水又東分流爲
麻布港又東右會卻月湖左會西湖之水折而北右
會白石段莊二湖之水左會麻布港水東北流經縣
城東而北左經石岡口稍東右會許家湖而東流凡
一百八十里入漢陽縣界至涓口會涓水分流而入
金牛港又東過蔡店臨嶂山又東過黃金口南流至
縣北郭師口一支南流經大別山復至漢口一支北
出亦至漢口爲前襄河凡一百三十里入大江

大清一

統志

雲夢澤跨江南北蓋八九百里自枝江而東爲松滋爲
公安爲石首爲華容濱江南岸多藪澤卽所謂江南之
夢也江北九巨自荊州府江陵以東監利以北沔陽州
前後左右諸湖皆受漢水支津至嘉魚縣東北漢陽府
西南境分流以入於江漢水之東北岸自京山天門應

城雲夢孝感東南至黃州羣水滙亦即古澤皆入漢之水所滙而又分流以入於漢水

皇朝通志

雲夢跨江南北蓋八九百里今自枝江而東為松滋

東南為公安又東南為石首為華容濱江南岸多藪

澤即古所謂江南之夢也

江南之夢皆首受江水支津成渠滙為澤南入洞庭

北復入江江北九巨自荊州府江陵以東潛江以南監利

以北沔陽州前後左右諸湖渠皆首受漢水支津於

大澤口之西

在潛江縣西北西南流

張家港之南

在縣正北東南流

南流至嘉魚東北之新灘司及漢陽西南境之沌口

分流入江者也總曰沔水

在江陵東北者曰太白湖東南曰三湖曰紅馬湖在

監利大江北岸曰家淶湖南江湖蓮頭湖大鳥湖蔣

師湖大成池在潛江東南沔陽西北者曰西湖曰邈

續叢書卷二百四十九

江水

三

還湖曰白泥湖在沔陽南及東南者曰上洪湖官湖

曰白石湖沙湖昆當湖東北曰赤野湖赤野湖實為

沌口上流之總會也又沔陽東北境仙桃鎮南又

受漢水支津南流西南通白泥湖東南通赤野湖赤

野湖有支津北會漢水於東西地四百餘里南北二

百餘里漢水東北岸自京山天門應城雲夢孝感

東南至黃諸水所滙亦即古澤也

天門竟陵諸水東北匯為楊葉湖京

山水東南為松湖經漢川縣城東北入漢水自北來會

又東南為松湖經漢川縣城東北入漢水自北來會

有湖西南流至縣東南分為二派一西北經城西而

北會涇水一南流會楊家河俱東南至涇口入漢

孝感水下合貓兒湖於拖路口入漢黃陂縣西南

境漢陽縣東北境有牛湖東通黃陂東南之五湖南

入江以上諸湖皆入漢之水所滙而

雲夢澤在監利縣南漢書地理志南郡華容雲夢澤

在南水經注監利縣土卑下澤多陂池西南自州陵

東界經於雲杜沔陽為雲夢之藪韋昭曰雲夢在華容縣按春秋魯昭公三年鄭伯如楚子產備田具以田江南之夢郭景純言華容縣東南巴邱湖是也杜預云枝江縣安陸縣有雲夢蓋跨州亘隰兼包勢廣矣大清一統志

大江經江夏縣北黃陂縣南折東南流有武湖水自黃陂來會皇朝通志

大江既會漢水東北流中有沙洲又東北經武昌北境南岸有南湖水口一名五丈湖在江夏縣東北岸即黃陂縣之

牛湖水口也牛湖在黃陂西南袁邪八十餘里廣五十里東南流入江即古灑水自漢陽來入曰灑口又東大江始折東南流自此經五百數十里北

續水鑑卷一百四十九

江水

岸有武湖水自黃陂來注之曰武口亦曰沙洲口武湖

水源出黃安縣西北境與河南界之老山二水俱南流經仙居亭山左右約百餘里會於河口之南即新集之西南也又南八十里經木蘭山西麓又南百餘里經黃陂縣城東又南有什子湖水西南來鴨魚湖水東南來並會又東南流有牛湖支津自西南來會豬為湖周五十里又東南入江水道提綱

大江自嘉魚縣東流入江夏縣會漢水與漢陽府漢

陽黃陂二縣分界又武昌府舊志大江至嘉魚縣城

九十里過城歷上下二簰洲至上沙洲入江夏縣界

又元和志大江水在黃陂縣南一百一十九里西南

自江夏縣界流入南湖在江夏縣南輿地紀勝在

望山門外東南四里舊名赤瀾湖外與江通長隄為

限長街貫其中四旁居民蟻附牛湖在黃陂縣西

南五十里東通大江其支流西南入漢陽縣界 武
湖在黃陂縣東南卽武口水也水經注江之左有武
口水上通安陸之延頭南至武城入大江元和志武
湖在黃陂縣南四十九里黃祖閱武習戰之所寰宇
記在縣南二十里黃陂縣志在縣東南二十五里東
至黃岡縣一百三十里周回四十五里東通大江亦

名黃漢湖

大清一統志

經黃岡縣西北有華家河自黃安縣來會白塔河自麻
城縣經黃安縣來會

皇朝通志

又東南至黃岡西北境陽邏驛南北岸有水北自黃
安縣合二水來注之

華家河出黃安縣北與河南界之暮雲山在周八家村之西又

江

江水

三

西卽仙居亭山也南流九十里折東南流有郭家河
自東北來會經縣城西又南百餘里經三姑井西又
曲曲東南流折而西南入江 又東南經汪家鋪南白虎
數十里至驛東南入江

山北北岸有湖水口

湖在陽邏驛水之東團風鎮水之西形三角數十里西南流入

江又東稍北流至黃岡北之團風驛西有水自北合

麻城諸水來注之江口有洲

白塔河出麻城縣北界之黃土關大山南流曲

曲百餘里至縣城東有洪家河東北自虎頭關東山
西南流來會又西南流有道觀河南自馬鞍山西北
流折而東北經沙河鎮東合八疊山之水又西北經
白果鎮來會又西北流有浮橋水北自黃安東北界
之分水嶺南流經黃安東境麻城西境百數十里至
浮橋西中館驛東又南來會又西南至宋埠鎮南岐
亭東折而東南曲曲百六十餘里
至團風驛之西入江 水道提綱

大江自漢陽府黃陂縣流入黃岡縣界與武昌府武
昌縣分界又元和志大江自江夏縣界流入又東入

黃岡縣界漢陽府舊志大江入黃陂縣境經縣東南三十里流十五里至沙口入黃岡縣界 華家湖在大冶縣東北五十里源出縣西北流水里由黃石港入江 垂山水在麻城縣東今名白塔河水經注垂山水出垂山之陽與弋陽淖水同出一山水之東有南口戍又南經方山戍西流注於舉水麻城縣志白塔河亦名界河源出河南光山縣界經黃土關外南流又經麻城縣東北三十里又南經縣東至縣南合桃林河為縣前河又桃林河折而西會白塔河始名縣前河西南流經縣南十里名高岸河稍西匯麻溪白杲二河又西南會浮橋河又西南過宋埠至岐亭

續行水金鑑二百四十九

江水 三

鎮合松溪河名岐亭河又西南經黃安縣境南入黃岡縣界黃岡縣志長河自麻城縣流入會道觀河沙河諸水由團風鎮入江 大清一統志

南流經黃州府西北有白洋湖自咸寧縣經江夏武昌

縣來會 皇朝通志

江至水口折正南流六十里經黃州府城西北有小

水口 自府北境西南流入江 經城西有磯 曰赤鼻磯 折而東流南岸

武昌縣境有諸湖水自西南來注之曰樊口 南岸湖自江夏

東境之白羊湖南為山口鋪東為白虎山南湖水漸廣其上源南出咸寧縣東北山數源東北流合而曲經山中曰大港水又北至金牛港入湖曰梁子湖西北自長山鋪東南至武昌縣西之樊山長百三十里廣入九十里盡匯縣境湖澤九十九北注大江 水道提綱

元和志大江流入漢陽縣去縣東二十步東北流入黃州界又大江流入漢陽縣界與武昌府江夏縣分界又東北會漢水入黃陂縣又東入黃州府黃岡縣界又大江東南流入武昌縣與黃州府黃岡縣分界白洋湖在江夏縣東北十五里一名白楊湖西北流經青山磯入江曰白楊浦 樊港在武昌縣西南一名樊溪一名袁溪一名樊川源出咸寧縣東四十里東北流為高家河入武昌縣界又北經金牛鎮為金牛港匯為梁子湖又北為蘆席口又北經樊港經樊山下而北入江為樊口唐書地理志武昌有樊川明統志在樊山西南控縣南湖澤凡九十有九清一大

統志

經武昌縣北又東有巴河自羅田縣經蘄水縣來會

皇朝通志

又東經武昌縣城北南岸縣城與西北岸府城隔江

相望又東稍北南岸有五丈湖口即武昌東之南湖俗曰洋澗湖者也

又東稍南北岸有小湖口即黃岡東境湖又東有巴河東北

自羅田縣西南流至蘄水縣西境來注之巴河源出羅田縣石

門寨西多雲司東南山西流經天堂寨南又西南流有一水自北來會又西南流曰九子河又南流經平湖店西又西南至縣西南境之油店西有油河東北自縣北淨瓶山水合石桂山水南流曰沙河又西南曰油河合東一小水南經縣城東又經其南西流來會自源至此已二百八十里矣又西南數十里折南流經蘄水縣北境之上巴河又西南百餘里經巴水驛西又南至下巴河之西南入江巴河口之西即黃

岡東湖口其東又有小湖口
自東來注之水道提綱

大江流入黃岡縣界與武昌府武昌縣分界黃岡縣志大江自黃陂縣經陽邏團風鎮至赤壁磯遶南岸東過巴河入蘄水縣界又水經注大江又東經五磯北左則巴水注之 五丈湖在武昌縣南半里一名洋漫湖一名洋瀾湖連車湖西控兩湖之水出大江寰宇記五丈湖在武昌縣東有長湖通江南冬卽乾涸陶侃作隄以遏水於是不竭永嘉初隄頽破太守褚雋之重修復輿地紀勝五丈湖舊曰南湖臧質逃入南湖以荷自蔽卽此 巴水源出羅田縣北南流入蘄水縣界又東南流入黃岡縣界入江今謂之巴

續水金鑑百四十九

江水 五

河其上流名平湖鄉河一名九子河水經注巴水出雩婁縣下靈山南歷蠻中吳時舊屯所在也引巴水以溉野又南經巴水戍南流注於江謂之巴口輿地紀勝巴水源出版石山羅田縣志平湖鄉河源自鹽堆山西流會瀧沱河下與新昌河三里河合出九河嘴入蘄水縣界經黃岡縣至上巴河入縣東北八十里南流至縣東南四十里下巴河入江東卽蘄水縣界按水經注雩婁縣之下靈山在今壽州霍邱縣界

大清一統志

折東南經大冶縣東北蘄水縣東南有浠水自江南之

英山縣來會

皇朝通志

大江又折東南流南岸爲大冶縣東北境之黃石港

口 華家湖自五丈港塘之南廣二十餘里東 東北岸

有浣水自東北來經蘄水縣城東南而西南流注之

浣水源自江南英山縣北界嶺南流曰落里河流百餘里折東南流有一水自東界嶺西南流經縣城東

南而西來會曰雞兒河即蘭水也又南流經縣城東經土峯嶺豹子山之北折西流百數十里曰古河有

一水自東北來注之又西南流六十里經蘄水縣城東南又西南七十餘里至蘭溪司入江 又東

南經蘄州西北境之茅山司西西南岸有道士泚口

大冶縣東北有張家湖在黃石港之南東流曰道士泚入江正對茅山司 水道提綱

大江與黃州府黃岡縣分界又東南流入大冶縣又

大江與武昌府武昌縣分界東南流入蘄水縣界與

武昌府大冶縣分界又水經注大江又東經軼縣故

續行水金鑑卷一百四十九

江水

城南東會浣水口又武昌府舊志大江至武昌縣界

經蘆洲磧磯至樊口凡九十里抵武昌縣城過城經

五丈口土腦嘴又七十五里至大冶縣界大冶縣志

大江自武昌縣界五十里至黃石港經道士泚 希

水希一作浣源出江南六安州英山縣西南入羅田

縣界爲英山河又西南爲落翎河踰嶮石爲石嶮河

一名古河一名界河又西南入蘄水縣西南蘭溪鎮

入江水經注希水出灄縣霍山西南流分爲二水支

津出焉又南積而爲湖謂之希湖輿地紀勝嶮石在

蘄水縣東北羅石三溪之水會焉高數十丈十里餘

橫截溪流水注罅中皆成巖竇玲瓏相通衝淙而下

湍迅異常入蘄水縣界為希水武昌府舊志白石嶮
分金山入蘄水縣東境西南流名蔡家河會九江河
東分一支名倒流河又西南流至縣南名南門河過
南城西流出蘭溪口入大江大清一統志

經興國州東北有漳源湖自大冶縣來會皇朝通志

又東南經興國州東北境有漳源湖西自大冶來注

之曰漳源口漳源出大冶縣西境大港東山三源合

湖北為漳源湖廣數十里又東為小口入江水道提綱

大江入大冶縣與黃州府蘄水縣及蘄州分界又東

南流入興國州又大江東南流入蘄水縣界與武昌

府大冶縣分界武昌府與興國州分界又大冶縣志

纂錄鑿百單九 江水

大江經道士泐又七十五里至漳源口流入興國州

漳源湖在興國州北七十里接大冶縣界發源武

昌縣陽橋諸山合大冶縣諸水經下游湖出漳源口

入江大清一統志

經蘄州北有蘄水來會皇朝通志

江中有洲其東北岸即蘄州城北之蘄水口也蘄水東北

出大浮山數源一源出龍坪山西麓西南流至大同

司北又西南有南源二水出茅坪山寶蓋山者西流

合而來自西流曰童子河至高山鋪南而西有北

源出豹子山者亦西南流曰開口河經鋪西北而南

來會曰兩河口又南經西河驛東曹家鎮西分為二

派一東匯為赤東湖一西南流而合又西南數十里

至州城之北西入江其口正對沙洲水道提綱

大江又東南流入興國州與蘄水分界又黃州府舊

志大江自巴河經蘭溪口至月石磯抵蘄州城西繞
城東南流經山港挂口港至龍眼磯抵蘄州城西繞
城東南流又水經注江水又東經西陵縣故城南又
東過蘄春縣南蘄水從東北注之 蘄水在蘄州東
北今名蘄河亦名童子河源出州東北大浮山西南
流合三十六水又西南流合鈔錫水入赤東湖至州
西挂口入大江水經注蘄水出江夏蘄春縣北山南
過其縣西又南至蘄口南入於江大清一統志
又南有富水自通山縣經興國州來會皇朝通志
又南經州城西南有數洲又東南南岸有富池口富
水西南自通山縣東經興國州合諸水來注之富水出通

續水金鑑一百四十九

江水 三

山縣西大平鋪諸山其西諸水俱自崇陽西北至蒲
圻入江卽陸水也其山東數水東流合而東經寺下
鋪東南又南合一水又東經通山縣城南又東北流
至花橋北合二水至板橋又南合一水又東至陽辛
市有水自南來注之又東北有水南自江西武寧縣
北境小洞山來會又東南經排市鎮北又東北流有
高橋市南北二水合而東南流州城西西北湖匯諸水
西爲冰湖西流合而南來會曰港口又東北數十里經
州城南有一水自南來會又東北流有夾節湖匯諸
水自南來經雞籠山來會又東有綱湖水自西北來
會又東至富池鎮之南界首
鋪之北入江 水道提綱

武昌府興國州志大江經黃額口又東南經富池口

武昌府志大江又東過下雉縣北又東富水注之

富水源出通山縣東流至興國州東富口入江今名

長河水經注富水出陽新縣之青湓山西北流經陽

新縣又西北經下雉縣水之左右公私裂漑咸爲沃

壤舊吳屯所在也興國州舊志長河有二源俱出通
山縣界南源為寶昌河源出九宮山流經州界首鋪
名慈口港北源即通羊港由州西北一百三十里雞
口港入境俱東流至陽辛渡合流今名陽辛河曲折
東流繞州城南納境內諸湖水凡二百二十五里出
富池口入江州境水最多皆匯於此

大清一統志

經廣濟縣西南折東北流南岸入江西界

皇朝通志

又東南經廣濟縣西南境之馬口鎮南折東北流南
岸入江西界

水道提綱

大江與武昌府興國州分界又東南流入廣濟縣界
又黃州府舊志大江抵蘄州城西繞城東南流經新

續水金鑑卷百四十九

江水

洲宿鳩洲出浮玉磯至高林港凡六十里入廣濟縣
界又大江又東南流入興國州與蘄州分界又東流
入江西又興國州志大江又東南經富池口東入江

西

大清一統志

經瑞昌縣西北有楊林湖水即溢水來會

皇朝通志

經瑞昌縣西北境北岸有馬口湖水口

馬口湖水西北自蘄州城

東南迤而東會諸小水又東南至
廣濟西南馬口鎮之東南入江
又東北八十里折
而東南南岸有瑞昌水口即古溢水也

今日楊林湖

界之赤顏山二源合東流經羊腸山南又東經縣城
西南有小水北自城西來注之稍東經城南有白石
巖水自西南來有羅家湖水自南來會又東北豬為
湖周二十餘里分為二流一西北流有白沙渡水自
西來會即馬頭鎮之南水也又東北流入江北岸即
廣濟東與黃梅接界之新開口司也

水道提綱

大江又東南流入廣濟縣界與江西之九江府瑞昌縣分界又大江與蘄州分界又東流入江西九江府瑞昌縣界 楊林湖在黃梅縣西南二十五里西接太白湖東由濯港經白沙渡入孔壠小江至清江鎮入江 大清一統志

經黃梅縣西南有縣河合廣濟縣水來會 皇朝通志

又東南經黃梅縣西南境有縣河東北合諸水經小

池口來注之 水出黃梅縣西北龍坪山兩源合東南流有孫家山水自東北來會曰古角河

又南有老寺山水自西北來會折東南流經縣城東

又西南流至黃連村有廣濟縣水自西來會又東南

合一小水又西南數十里入江 廣濟縣河二水一曰縣河出縣北橫岡山西南流經縣城東而西南有層峯山水自城西來會南流曰撻水河折東南流匯為大澤迤而東北曰太白湖又北受東衝山水自東

導水鑿百四九 江水

流出經雙城驛前又東至黃連村南與黃梅縣河會 水道提綱

大江與江西之九江府瑞昌縣分界又東流入黃梅

縣黃州府舊志大江入廣濟縣界自高林港過田家

鎮一百二十里遠長隄經武穴鎮至界牌石入黃梅

縣界至套口八十里過小池口 隆斗河在黃梅縣

東一名鼓角河有二源一出唐家山南流經龍坪山

麓又經渡下橋一出鼓角山南流經亭前驛至兩河

口合流過柘林鋪至鐵塘口會小溪河遶縣城南名

縣河自縣西流匯張家湖會馬頭橋河為殷家河又

西南流經黃連嘴會廣濟達水河出西南入大江

關山河在廣濟縣北二十里一名撻水河源出展旗

山南流十里經松陽橋名石塔河又經縣西秀雲山
東為關山河又南流數里為團山河而達於梅川

清一
統志

又東南至九江府治德化縣西北亦名潯陽江北岸為
黃梅縣及江南之宿松縣界

皇
朝通志

又東南有數洲渚至九江府治德化縣西境之溢口

大江西北自武昌府東北青山鋪之北東南流至溢
口計六百餘里大江自此其勢遂向東北溢口水
即瑞昌縣東南楊林湖東流經錦繡谷又東北流至
府城西境有小水自東南來會北入江亦曰溢浦北
岸亦德化界有柘港
湖江磯湖諸小水東經府城北亦曰潯陽江又東

稍北北岸為黃梅與江南宿松縣之界

西曰小池口
楊家穴黃梅
境東曰段腰鎮歸林司
宿松境水道提綱

續水金鑿二百四十九

江水 三

大江又東流入黃梅縣與九江府德化縣分界又東

流入安慶府宿松縣界又黃州府舊志大江入黃梅

縣界至套口八十里過小池口至清江鎮十里屬江

西德化縣自清江鎮鷓鷹嘴三十里仍屬黃梅縣

潯陽江在府城北亦名九江即大江也自湖北興國

州界東流入境經瑞昌縣北三十五里北岸為湖北

廣濟縣界又東經府治德化縣界北岸為湖北黃梅

縣界又東合彭蠡湖水經湖口縣北二十里又東北

經彭澤縣西北二里北岸為安徽宿松縣界又東北

入安徽望江東流二縣界江廣二十里西自瑞昌下

巢湖東至彭澤馬當山共三百二十五里漢書地理

志尋陽禹貢九江在南皆東合為大江又九江郡注
應劭曰江自廬江潯陽分為九郭璞江賦流九派乎
潯陽按自漢至唐皆謂九江在潯陽至宋初胡旦始
以洞庭為九江而諸儒從之舊說遂廢

大清一統志

